

## UGOVOR

**1.KJP Centar "SKENDERIJA" d.o.o. Sarajevo** ul.Terezije bb. Sarajevo  
Kojeg zastupa direktor prof.dr Hajriz Bećirović  
IB: 4200736910008  
Reg.br. obaveznika PDV: 20073691008  
Transakcijski račun: 1610000050610052 otvoren kod Raiffeisen BANK  
(u daljem tekstu:"Ugovorni organ")

**2. FixIT d.o.o.**, ulica Zaima Šarca br. 34, Sarajevo  
koga zastupa direktor Damjan Bandić  
IB 4202048930006  
Reg.br. obaveznika PDV 202048930006  
Transakcijski račun 1941410122800136 otvoren kod ProCredit Bank d.d.,  
(u daljem tekstu:"Dobavljač")

### I - Predmet Ugovora

#### Član 1.

Predmet ovog ugovora je nabavka i isporuka računarske opreme za koji je proveden postupak nabavke putem konkurentskog zahtjeva, a na osnovu Odluke Ugovornog organa o dodjeli ugovora broj: 4171/15 od 14.07.2014. godine, a u skladu sa prihvaćenom ponudom Dobavljača broj: 060715/MK001 od 06.07.2015. godine koja odgovara uslovima iz tenderske dokumentacije.  
Ponuda Dobavljača broj: 060715/MK001 od 06.07.2015. godine je sastavni dio ovog Ugovora.

### II - Cijena

#### Član 2.

Ukupna vrijednost ovog Ugovora, prema specificiranim količinama i ugovorenim jediničnim cijenama bez PDV-a, iznosi 7.389,95 KM  
*Slovima: sedamhiljadatristotineosamdesetdevet 95/100 KM*

Ukupna vrijednost ovog Ugovora sa uračunatim PDV-om od 17% iznosi 8.646,25 KM.

*Slovima: osamhiljadašeststotinačetrdesetšest 25/100 KM.*

Cijene su fiksne i ne mogu se mjenjati.

### III –Uslovi i način plaćanja

#### Član 3.

Nabavka i isporuka računarske opreme, vršit će se sukcesivno u skladu sa potrebama Ugovornog organa.

Ugovorni organ će na osnovu ispostavljene fakture za svaku isporučenu robu od strane Dobavljača iz člana 1. ovog ugovora izvršiti plaćanje na račun Dobavljača, naznačen na fakturi, u roku od 30 dana od dana prijema fakture.

Kao dokaz izvršene isporuke roba prilaže se otpremnica i faktura Dobavljača.

Ukoliko Dobavljač ne isporuči robu u skladu sa zahtjevima iz specifikacije, roba neće biti primljena niti plaćena i staviti će se na raspolaganje Dobavljaču.

#### IV-Trajanje ugovora

##### Član 4.

Ovaj Ugovor se zaključuje na period od 12 (dvanaest) mjeseci počev od dana obostranog potpisivanja ugovora.

#### V- Obaveze Ugovornog organa

##### Član 5

Ugovorni organ je posebno **obavezan**:

- Izvršiti obaveze iz člana 3. ovog Ugovora;
- Izvrši preuzimanje robe. U ime i za račun Ugovornog organa kvantitativni i kvalitativni prijem će izvršiti ovlašteno lice. U slučaju da se utvrdi da je roba oštećena ili neispravna, odnosno da nije u skladu sa zahtjevom, o tome će se sačiniti poseban izvještaj i isti uputiti Dobavljaču da se u roku 3 dana izjasni u pogledu utvrđenih nedostataka u robi.
- U slučaju da se Dobavljač u ostavljenom roku ne izjasni na okolnosti iz prethodne tačke, Ugovorni organ ima pravo:
  1. da od Dobavljača zahtjeva da o svom trošku i na svoj teret utvrđene nedostatke ukloni;
  2. da od Dobavljača zahtjeva isporuku robe bez nedostataka;
  3. raskine ugovor i zahtjeva naknadu štete

#### VI - Obaveze Dobavljača

##### Član 6.

Pored obaveza predviđenih opštim aktima, Dobavljač je posebno obavezan:

- Isporučiti robu prema zahtjevima tendera;
- Izvršiti sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnjih destinacija, provjere funkcionalnosti i kontrole svih funkcija i sve druge usluge u smislu pripreme robe za prijem na njeno odredište;
- Odgovara za uredno izvršenje ugovora prema važećim propisima, štiti prava i interese Ugovornog organa, te ga obavještava o toku realizacije Ugovora;
- Snosi sve rizike do konačnog prijema robe na krajnjem odredištu, u roku koji je propisan Ugovorom;
- Izvrši isporuku predmetne robe u ugovorenom roku u sjedište Ugovornog organa na adresi Terezija bb 71 000 Sarajevo
- u skladu sa dostavljenom specifikacijom - narudžbenicom isporuči robu f.c.o skladište kupca.
- da dostavi fakturu (račun) prilikom isporuke robe.
- da u roku od 3 (tri) dana, od reklamacije Kupca da roba ima grešku ili nije ugovorenog kvaliteta dužan sve uočene propuste ukloniti u suprotnom obavezan je predmet reklamacije zamjeniti sa novom robom.

## VII - Garancija

### Član 7.

Dobavljač daje Ugovornom organu garanciju od 12 (dvanaest) mjeseci na isporučenu robu od dana isporuke.

## VIII Prestanak ugovora

### Član 8.

Ugovor prestaje po isteku vremena na koji je zaključen.

## IX- Prelazne i završne odredbe

### Član 9.

Ako slučaj više sile koja potpuno ili djelimično spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je da u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.). Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom

### Član 10.

Sporovi koji nastaju iz ovog Ugovora, rješavat će se u prvom redu međusobnim sporazumom ugovorenih strana, a ukoliko se ne mogu riješiti mirnim putem, oštećena strana može ostvariti prava pred nadležnim Sudom u Sarajevu.

### Član 11

Ugovor je zaključen u 6 (šest) istovjetnih primjeraka, od kojih Ugovornom organu pripadaju 4 (četiri), Dobavljaču 2 (dva) primjerka i stupa na snagu danom potpisa ugovorenih strana.

### Član 12

Na sva pitanja koja nisu regulisana ovim Ugovorom primjenjuju se odredbe važećih zakonskih i podzakonskih propisa.

Za Dobavljača

Direktor  
*Damjan Bandić*  
Damjan Bandić



Za Ugovorni organ

Direktor  
*Hajriz Bećirović*  
Prof. dr. Hajriz Bećirović

Broj: *506/15*  
Sarajevo, *28.07.2015*